

UNIVERSITI SAINS MALAYSIA

**Peperiksaan Semester Pertama
Sidang Akademik 1994/95**

October/November 1994

CSC211/CSD202 - Organisasi Pangkalan Data

Masa: [3 jam]

ARAHAN KEPADA CALON:

- Sila pastikan bahawa kertas peperiksaan ini mengandungi **TUJUH** muka surat yang bercetak sebelum anda memulakan peperiksaan ini.
 - Jawab **SEMUA** soalan dalam Bahasa Malaysia.
-

1. (a) (i) Terangkan tiga di antara kelemahan-kelemahan yang terdapat dalam sistem pemprosesan fail dan bagaimanakah kelemahan-kelemahan tersebut dapat diatasi oleh sistem pangkalan data.
(ii) Terangkan setiap langkah dalam merekabentuk satu sistem pangkalan data secara atas-bawah.
(iii) Kamus data sangat penting terutama di peringkat awal rekabentuk pangkalan data. Terangkan kegunaan kamus data yang lazim.
(iv) Terangkan peranan pentadbir pangkalan data dalam perancangan dan pembangunan satu sistem pangkalan data.
(v) Tunjukkan kedudukan yang munasabah bagi pentadbir pangkalan data dalam hierarki pentadbiran satu jabatan sistem maklumat berteraskan satu sistem pangkalan data yang besar. Berikan alasan bagi jawapan anda.

(75 markah)

- (b) (i) Nyatakan perbezaan-persamaan di antara model data hubungan, rangkaian dan hierarki. Tunjukkan contoh-contoh jika difikirkan perlu.
(ii) Mengapa model data hubungan lebih banyak digunakan hari ini?

(25 markah)

- 2 (a) (i) Apakah yang dimaksudkan dengan senibina tiga-paras dan apakah signifikannya kepada rekabentuk sistem pangkalan data?
(ii) Apakah yang dimaksudkan dengan kebebasan data? Nyatakan perbezaan di antara kebebasan data fizikal dan kebebasan data logikal.

(30 markah)

- (b) Diberi hubungan KUR_PEK seperti berikut:

no_pekerja	kursus	tarikh_mula
P 100	K 200	Oktober
P 100	K 300	September
P 200	K 200	November
P 200	K 400	Oktober
P 300	K 400	Mac
P 100	K 400	Mac

- (i) Senaraikan semua kebersandaran fungsian yang wujud.
- (ii) Adakah hubungan ini mengandungi kebersandaran yang tak diingini? Jika ada, senaraikan dan jelaskan mengapa ia tak diingini?
- (iii) Apakah bentuk normal hubungan KUR_PEK? Jelaskan jawapan anda.

(30 markah)

- (c) Jadual di bawah menunjukkan hubungan PPJ:

Pemain	Posisi	Jurulatih
Kadir	Belakang	Haris
Johan	Penjaga-gol	Jamal
Toni	Belakang	Haris
Chin	Tengah	Zul
Marti	Belakang	Kam

Andaikan seorang jurulatih hanya melatih satu posisi sahaja.

- (i) Apakah bentuk normal hubungan PPJ? Jelaskan.
- (ii) Berikan satu contoh anomali sisipan dan satu contoh anomali hapusan (jika ada) di dalam hubungan PPJ.
- (iii) Jika perlu, huraikan hubungan PPJ kepada bentuk normal yang lebih tinggi sehingga anomali-anomali dalam (ii) di atas tidak lagi wujud. Jelaskan jawapan anda.

(40 markah)

3. AP_TEKUN ialah sebuah agensi pekerjaan yang menyediakan perkhidmatan menemukan calon pekerja kepada bakal majikan yang sesuai. Pengurus sumber manusia di agensi tersebut bertanggungjawab menemuduga dan memilih calon pekerja serta menyimpan data-data berkaitan seperti nama, alamat, no_telefon, jenis kemahiran dan umur pekerja. Setiap calon yang dipilih diberi nombor yang unik dan ditugaskan kepada satu jenis kerja di sebuah majikan. Pengurus tersebut juga membuat penilaian kepada pekerja berdasarkan laporan dari seseorang penilai pada tarikh-tarikh tertentu. Agensi tersebut juga mempunyai seorang pengurus majikan yang bertanggungjawab menerima permintaan pekerja dari majikan dan mengajukan permintaan tersebut kepada pengurus sumber manusia. Pengurus majikan juga bertanggungjawab menyimpan butir-butir majikan dan mendapatkan laporan mengenai majikan. Pekerja menerima gaji setiap bulan dari pihak AP_TEKUN dan AP_TEKUN pula menerima bayaran dari pihak majikan pekerja setelah membuat tuntutan.

Anda ditugaskan merekabentuk satu sistem pangkalan data bagi AP_TEKUN.

- (a) Tunjukkan gambarajah konteks bagi sistem yang akan anda bangunkan berdasarkan maklumat di atas sahaja. (20 markah)

- (b) Lukiskan gambarajah sifar bagi menunjukkan fungsi pengurus sumber manusia dan pengurus majikan di dalam sistem tersebut. [Anggapkan entiti lain tidak ditunjukkan.] (30 markah)

- (c) Lukiskan gambarajah entiti_hubungan bagi menunjukkan perhubungan di antara pekerja, majikan dan kerja. (30 markah)

- (d) Andaikan agensi tersebut hanya melayani tiga jenis pekerja sahaja iaitu buruh, perkeranian dan pengurus. Pengurus mempunyai atribut tambahan, "kelulusan". Tunjukkan fakta tambahan ini dalam gambarajah entiti_hubungan seperti yang dilukiskan dalam (c). [Atribut tidak perlu ditunjukkan melainkan jika ada tambahan/pertukaran.] (10 markah)

- (e) Petakan gambarajah entiti_hubungan seperti yang dihasilkan dalam (c) kepada model hubungan. Gariskan kunci primernya. (10 markah)

4. Berikut ialah sebahagian skima pangkalan data hospital:

DOKTOR (no_doktor, nama_doktor, kepakaran)

PEKERJA (no_pekerja, nama_pekerja, jenis_kerja)

PESAKIT (no_pesakit, nama_pesakit, alamat, tahun_lahir)

RAWATAN (no_doktor, no_pesakit, tarikh, penyakit, bayaran)

Andaian: Tiada pesakit yang sama berjumpa doktor yang sama dalam satu hari.
Tarikh dicatat sebagai hari, bulan dan tahun.

(a) Satu ketikaan bagi pangkalan_data tersebut ditunjukkan di bawah:

DOKTOR	<u>no_doktor</u>	<u>nama_doktor</u>	<u>kepakaran</u>
	D 101	Syafawi	ENT
	D 213	Lim	X-Ray
	D 456	Jenny	ENT
	D 115	Wati	Am

PEKERJA	<u>no_pekerja</u>	<u>nama_pekerja</u>	<u>jenis_kerja</u>	<u>gaji</u>
	E 150	Kay	Kerani	RM500
	E 213	Jay	Atenden	RM300
	E 280	Rani	Buruh	RM300
	E 374	Faty	Jururawat	RM600
	E 160	Ani	Jururawat	RM600

PESAKIT	<u>no_pesakit</u>	<u>nama_pesakit</u>	<u>alamat</u>	<u>tahun_lahir</u>
	P 300	Ani	30 Jalan Permata	1960
	P 350	Lim	15 Jalan Satu	1965
	P 200	Rima	10 Jalan Merah	1970
	P 400	Eddy	1 Jalan Permata	1960
	P 500	Awi	20 Jalan Parit	1975

RAWATAN	<u>no_doktor</u>	<u>no_pesakit</u>	<u>tarikh</u>	<u>penyakit</u>	<u>bayaran</u>
	D 101	P 350	04.05.94	Sakit Tekak	RM 20.00
	D 115	P 300	07.01.94	Demam	RM 10.00
	D 115	P 400	15.10.94	Darah Tinggi	RM 30.00
	D 213	P 400	15.05.94	Barah	RM 100.00

Berdasarkan ketikaan di atas, tunjukkan hasil bagi pertanyaan-pertanyaan berikut:

- (i) $\Pi_{\text{nama_pekerja}, \text{nama_pesakit}} (\sigma_{\text{tahun_lahir} > 1970} (\text{PEKERJA} \times \text{PESAKIT}))$
- (ii) $\Pi_{\text{nama_doktor}, \text{tarikh}, \text{penyakit}} (\text{DOKTOR} \bowtie \text{RAWATAN})$
- (iii) $\{ t \mid \exists p (p \in \text{PEKERJA} \wedge t[\text{no_pekerja}] = p[\text{no_pekerja}] \wedge t[\text{nama_pekerja}] = p[\text{nama_pekerja}] \wedge t[\text{jenis_kerja}] = "jururawat") \}$
- (iv)

```
SELECT nama_pesakit, alamat
      FROM PESAKIT
     WHERE no_pesakit IN
           (SELECT *
              FROM RAWATAN
             WHERE no_doktor = "D115")
```
- (v)

```
SELECT no_pesakit, nama_pesakit, bayaran
      FROM PESAKIT, RAWATAN
     WHERE PESAKIT.no_pesakit = RAWATAN.no_pesakit
       AND PENYAKIT = 'Barah'
```

(25 markah)

- (b) Tulis semula pertanyaan-pertanyaan I dan II berikut menggunakan
- (i) aljabar hubungan
 - (ii) kalkulus hubungan rangkap
 - (iii) QBE
- I - "Senaraikan semua pekerja di hospital berkenaan termasuk doktor."
- II - "Dapatkan senarai nama serta kepakaran bagi doktor yang tidak merawat sebarang pesakit."

(40 markah)

- (c) Tulis suruhan SQL bagi pertanyaan-pertanyaan berikut:
- (i) Dapatkan maklumat mengenai doktor yang pernah merawat pesakit bernama "Zaidi".
 - (ii) Senaraikan tarikh-tarikh doktor bernombor D180 merawat pesakit bernombor P 500.
 - (iii) Senaraikan semua pesakit berumur kurang daripada 20 tahun yang telah dirawat kerana mengidap penyakit "darah tinggi" pada tahun 1994.

- (iv) Naikkan gaji semua jururawat sebanyak 10%.
- (v) Dapatkan jumlah bayaran yang diterima daripada rawatan tiap-tiap jenis penyakit pada 15 September 1993. (25 markah)
- (d) Terangkan secara ringkas perbezaan di antara bahasa berprosedur dengan bahasa tak berprosedur. (10 markah)

- oooooOoooo -